



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-2911-12/17

Datum: 24.11.2017.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 23.11.2017.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

ODLUKU

o izboru najpovoljnijeg ponuđača

I

Najpovoljnija ponuda za radove u predmetu nabavke "Izgradnja vodovoda Tepe-Hrvatinići, općina Tešanj – Distributivni i potisni vodovod" po cijeni od 178.100,00 KM (slovima:stotinesedamdesetosamhiljadasto i 00/100 konvertibilnih maraka) bez PDV-a odnosno sa PDV-om u iznosu od 208.377,00KM (slovima:dvijestotineosamhiljadatristotinesedamdesetsedam i 00/100 konvertibilnih maraka) je ponuda ponuđača Konzorcij AB-TRANS Doo Tešanj i NEDJING Doo Tešanj.

II

Ponuda je dostavljena u otvorenom postupku koji je objavljen na Portalu javnih nabavki dana 26.10.2017.godine. pod brojem: 375-1-3-253-3-52/17, obavještenje o nabavci objavljeno u SL.glasniku BiH broj: 79/17 dana 03.11.2017.godine pod brojem: Sl-16433-17, kriterij za dodjelu ugovora je najniža cijena.

III

Obavezuje se izabrani ponuđači da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda Konzorcij DŽEVKOMERC INŽINJERING Doo Zavidovići i DKM GRADNJA Doo Maglaj se odbacuje iz razloga što ponuđač uz ponudu nije dostavio traženu dokumentaciju kako je to propisano tenderskom dokumentacijom, te je ista ocijenjena kao formalno neispravna.

V

Za realizaciju Odluke zadužuju se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

Obrazloženje

Postupak javne nabavke za radove "Izgradnja vodovoda Tepe-Hrvatinići, općina Tešanj – Distributivni i potisni vodovod" pokrenut je Odlukom o pokretanju postupka broj:02-49-1-2911-2/17

od 06.10.2017.godine. Odabran je otvoreni postupak, koji je objavljen na Portalu javnih nabavki dana 26.10.2017.godine. pod brojem: 375-1-3-253-3-52/17, obavještenje o nabavci objavljeno u SL.glasniku BiH broj: 79/17 dana 03.11.2017.godine pod brojem: SI-16433-17, procijenjena vrijednost javne nabavke je 223.000,00KM kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda ŠPIC BETON Doo Zenica, ponuda Konzorcij GEO-PUT Doo Maglaj i ROCO-COMMERCE Doo Livno, ponuda Konzorcij DŽEVKOMERC INŽINJERING Doo Zavidovići i DKM GRADNJA Doo Maglaj i ponuda Konzorcij AB-TRANS Doo Tešanj i NEDJING Doo Tešanj.

Komisija za javne nabavke imenovana rješenjem Općinskog Načelnika broj:02-49-1-2911-4/17 od 01.11.2017.godine izvršila je dana 16.11.2017.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 3 (tri) ponude formalno ispravno (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Svi ponuđači dostavili su dokaze za preferencijalni tretman, te je Komisija na sve ponude primjenila pravila preferencijalnog tretmana domaćeg.

Tačkom 5.1. Tenderske dokumentacije predviđeno je da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude te je ugovorni organ zakazao E-aukcija za dan 22.11.2017.godine u 14:00 sati sa trajanjem od 20 minuta.

Iz Izvještaja o toku i završetku E-aukcije od 22.11.2017.godine (koji je u predmetu spisa) vidljivo je da AB-TRANS Doo Tešanj kao član Konzorcija AB-TRANS Doo Tešanj i NEDJING Doo Tešanj kao ponuđač zauzima prvo mjesto na Konačnoj listi ponuđača koji su učestvovali u E-aukciji te je ugovorni organ iz Izvještaja o toku i završetku E-aukcije preuzeo Konačnu listu ponuđača koji su učestvovali u E-aukciji kako slijedi:

1. Konzorcija AB-TRANS Doo Tešanj i NEDJING Doo Tešanj
2. Konzorcij GEO-PUT Doo Maglaj i ROCO-COMMERCE Doo Livno
3. ŠPIC BETON Doo Zenica

Komisija je kod ocjene ponuda takođe utvredila da ponuda ponuđača Konzorcij DŽEVKOMERC INŽINJERING Doo Zavidovići i DKM GRADNJA Doo Magla ima nedostatke kako slijedi: - ista sadrži Spisak izvršenih ugovora o izvedenim radovima koji su predmet nabavke u posljednje 3 godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine (Referenc lista dijela realizovanih projekata broj:IMP 1611-1/17 od 16.11.2017.godine) i Potvrde o urednom izvršenju ugovora (Potvrda Općine Banovići od 11.07.2017.godine, vrijednost realizovanog projekta je 84.020,09 KM; Uvjerenje Općine Olovo broj:02-14-13-2239-6/16 od 27.07.2016.godine, vrijednost projekta je 96.013,98KM; Potvrda Općine Zavidovići broj:03-05-12-64/17 od 06.02.2017.godine, vrijednost projekta je 47.429,95 KM; Potvrda Općine Kakanj broj:1890/17 od 24.07.2017.godine, vrijednost 43.028,91KM). Tačkom 13.3.1. pod a) tenderske dokumentacije propisano je da ponuđač treba da uz ponudu dostavi dokument kojim dokazuje "uspješno iskustvo u izvođenju radova kao u predmetnoj nabavci, maksimalno 2 ugovora u ukupnoj vrijednosti od 220.000,00 KM u posljednje 3 godine". Iz dostavljenih Potvrda o urednom izvršenju ugovora (Potvrda Općine Banovići od 11.07.2017.godine, vrijednost realizovanog projekta je 84.020,09 KM; Uvjerenje Općine Olovo broj:02-14-13-2239-6/16 od 27.07.2016.godine, vrijednost projekta je 96.013,98KM; Potvrda Općine Zavidovići broj:03-05-12-64/17 od 06.02.2017.godine, vrijednost projekta je 47.429,95 KM; Potvrda Općine Kakanj broj:1890/17 od 24.07.2017.godine, vrijednost 43.028,91KM) je vidljivo da je ponuđač dostavio 4 (četiri) Potvrde za izvršena 4 (četiri) ugovora ali da nema "2 ugovora u ukupnoj vrijednosti od 220.000,00 KM u posljednje 3 godine", kako je traženo tačkom 13.3.1. pod a) tenderske dokumentacije. Takođe je ponuđač predmetne Potvrde uz tendersku dokumenaciju dostavio kao obične kopije, a tačkom 13.3.3. tenderske dokumentacije jepropisano da "Ponuđač je dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost".

- Ponuda ponuđača Konzorcij DŽEVKOMERC INŽINJERING Doo Zavidovići i DKM GRADNJA Doo Maglaj sadrži spisak raspoložive tehničke opreme propisan tačkom 13.3.2. pod c) tenderske

dokumentacije ali ne sadrži "potvrde za navedenu opremu" što je navedeno na Prilogu 5 tenderske dokumentacije "Glavna tehnička oprema ponuđača predložena za izvođenje radova".

Ponuda Konzorcij DŽEVKOMERC INŽINJERING Doo Zavidovići i DKM GRADNJA Doo Maglaj je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-2911-11/17 od 23.11.2017.godine), da se u predmetu javne nabavke radova "Izgradnja vodovoda Tepe-Hrvatinići, općina Tešanj – Distributivni i potisni vodovod", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za radove određuje ponuda ponuđača Konzorcija AB-TRANS Doo Tešanj i NEDJING Doo Tešanj, odnosno kako je to navedeno u tački I ove Odluke, te da se sa istim zaključi ugovor u skladu sa ponudom i Izvještajem sa E-aukcije navedenog ponuđača za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač Konzorcija AB-TRANS Doo Tešanj i NEDJING Doo Tešanj sa cijenom od 178.100,00 KM (slovima:stotinusedamdesetosamhiljadasto i 00/100 konvertibilnih maraka) bez PDV-a odnosno sa PDV-om u iznosu od 208.377,00KM (slovima:dvijestotineosamhiljadatristotinesedamdesetsedam i 00/100 konvertibilnih maraka) .

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x4,
2. Služba za društvene djelatnosti i investicije,
3. Elektronski na web stranicu Općine,
4. Predmet.

Francižić

**OPĆINSKI NAČELNIK**

Mr.sci. Suad Huskić